

洪憲元年一月十七日星期一第十二號

政事堂印鑄局發行

北京東長安牌樓王府井大街
電話東局二百零一號

政 報

統率總一處

本報價目

- 一本報按照陽曆每日出報一號
 - 一定購三月者收回大洋二元三毛
 - 一定購長年者收回大洋八元
 - 一外埠購報每半年加郵費洋一元
 - 一定購一月者收回大洋八毛
 - 一定購半年者收回大洋四元五毛
 - 一零售每號銅元五枚以本日為限
 - 一裝訂每月收回大洋一毛五分不裝訂者聽
- 如送報夫役私自加價請告知本局以便查究是為至要

目錄

命令

日本留學畢業生勸進團代表前郵傳部郎中日本政法大学畢業倪鴻鈞等奏懇懇大位速登致寇速討以定人心而維大局摺

軍事路議陸軍中將銜張斯慶奏懇請早正大位以靖人心摺

湖北國民代表國民會議議員盧靜遠奏為力闢謬說辨明真實民意懇請速正大位以定一尊摺

參謀本部奏據署喀什提督馬福興電懇早日表示登極以順天命而維人心慎慎代奏摺

憲政協進會交際部幹事陸費燾奏國體決定逆黨窺竊懇懇速登人實以慰民望而絕奸謀摺

國務卿奏遵令飭局會同教育部核議直隸巡按使請將教員作為職官一案擬請緩辦摺

內務部奏為會核察哈爾馬羊草地擬設墾務行局兼設治農商局一案祈鑒訓示摺

財政部奏河南浙江省承募四年公債出力各員提案請獎恭摺仰祈鑒奪摺(附單)

財政部奏運核湖南省級等四縣水災案內蠲緩豁免錢糧租穀各數與例相符彙案具奏摺

財政部奏直隸商會聯合會勸導印花稅暨勸募公債請將出力人員再凌雲等分別給獎以資鼓勵乞訓示摺

辦理國民會議事務局局長顧藎奏全國選舉資格審查會職籌備立法院事務局局長各審查員車馬費以資補助而彰勞動恭摺祈鑒摺

陝西巡按使呂調元奏署理渭南縣知事王垓積勞病故懇予優卹摺

江蘇巡按使齊耀琳奏核准免試知事姚浚等現任要職擬請免予考詢先行分發並緩覲見摺

將軍督理新疆軍務巡按使楊增新呈規復奇台縣舊有渠道與墾殖民估需經費銀兩情形請訓示文並 批令

將軍督理新疆軍務巡按使楊增新呈為修復吐魯番舊廢坎井水利包工估需銀兩情形祈訓示文並 批令

財政部奏漢陽關監督杜光佑詳報銷假摺 批令

海軍部奏練習艦隊司令官曾兆麟到任日期並感激下忱據情代陳摺

步軍統領江朝宗奏京師地面續行得雪情形摺

直隸巡按使朱家寶奏報口北道道尹陳玉麟任事日期據情代奏摺

外交部飭四則

陸軍部飭

內務部飭

公電

川邊鎮守使劉銳恆電奏

西安 建章等來電

長沙教育會葉德輝等來電

南寧 陸榮廷

南寧 王祖同文電

川邊鎮守使劉銳恆電奏

湖南常德鎮守使王正雅電奏

成都 陳宦來電

四川將軍兼巡按使陳宦電奏

長江巡閱使張勳電奏

綏遠都統潘矩楹電奏

湖北將軍王占元電奏

廣告

奉命令

政事堂奉

策令袁希濤給予三等嘉禾章此令

政事堂印

洪憲元年一月十六日

國務卿陸徵祥

政事堂奉

策令覃壽瑩易克臬伍崇學汪森寶王嘉渠羅惇晏均給予四等嘉禾章此令

政事堂印

洪憲元年一月十六日

國務卿陸徵祥

政事堂奉

策令胡仁源夏元璵陳寶泉湯爾和洪鎔馮祖荀溫宗禹倫特均給予四等嘉禾章此令

政事堂印

洪憲元年一月十六日

國務卿陸徵祥

政事堂奉

策令唐宗源給予四等嘉禾章此令

政事堂印

洪憲元年一月十六日

國務卿陸徵祥

政事堂奉

策令方本仁陳嘉善均給予四等嘉禾章此令

政事堂印

洪憲元年一月十六日

國務卿陸徵祥

政事堂奉

策令肅政廳奏請將肅政史蔡寶善孟錫珏均進叙一等應照准此令

政事堂印

洪憲元年一月十六日

國務卿陸徵祥

政事堂奉

中華民國十七年一月十七日

政事堂印

洪憲元年一月十六日

國務卿陸徵祥

政事堂奉

策令任命白運昌為陸軍第二十八師參謀長此令

政事堂印

洪憲元年一月十六日

國務卿陸徵祥

政事堂奉

策令國務卿奏據銓叙局詳稱遵核護衛司令部軍用文職薦任人員資格請予叙官等語張

慈明授為中大夫此令

政事堂印

洪憲元年一月十六日

國務卿陸徵祥

政事堂奉

策令國務卿奏據銓叙局詳稱違核蒙藏院暨全國水利局薦任各職員資格請予叙官等語
諸宗元授為少大夫陸鼎銘嚴善坊楊豹靈授為上士此令

政事堂印

洪憲元年一月十六日

國務卿陸徵祥

政事堂奉

策令財政部奏覈覆陝省驗契出力各員請給予獎勵等語陝西長安縣知事楊宗漢前臨潼縣知事程延蒲城縣知事陳善述岐山縣知事賀良成鳳翔縣知事繆延福前扶風縣知事陳雲霖前咸陽縣知事任養周前藍田縣知事竇鵬前富平縣知事嚴肇徵前醴泉縣知事王頤前華縣知事張兆麟前韓城縣知事史秉貞前渭南縣知事傅廷春前漢陰縣知事范鼎榮前安康縣知事柴守愚前南鄭縣知事楊楷前城固縣知事羅傳銘前城固縣知事王京普洋縣知事黃明新前褒城縣知事閻鳳詔前西鄉縣知事俞玉儒等徵收報解均在一萬圓以上辦理克著成效著各給予五等金質單鶴章以昭激勸此令

政事堂印

洪憲元年一月十六日

國務卿陸徵祥

政事堂奉

策令財政部奏覈覆甘省驗契出力各員照章請給予獎勵等語甘肅前武威縣知事許倉霖徵收報解在三萬圓以上天水縣知事張紹烈碾伯縣知事沈廷彥隴西縣知事張思義徽縣知事陳樹葵前靖遠縣知事賀有一西寧縣知事張元濤通渭縣知事曾士剛靜寧縣知事周國衡武都縣知事李華清水縣知事王會圖靈台縣知事黃模平羅縣知事王之臣徵收報解均在一萬圓以上辦理克著成效著各給予五等金質軍鶴章以昭激勸餘如所擬辦理此令

政事堂印

洪憲元年一月十六日

國務卿陸徵祥

政事堂奉

申令內務部奏准文官高等懲戒委員會議決甘肅巡按使張廣建奏劾屬吏一案著玉門縣知事田永楨應受褫職并奪官處分代理武都縣知事龍霖署環縣知事徐宗鐸署寧縣知事鄧毓楨均應受降職并降官處分署涇川縣知事梁純仁署華亭縣知事陳澤藩代理鎮原縣知事萬朝宗均應受解職處分等語著准照所議田永楨即行褫職停叙實官龍霖徐宗鐸鄧毓楨均即降職并降叙實官梁純仁陳澤藩萬朝宗均即解職以示懲儆此令

政事堂印

洪憲元年一月十六日

國務卿陸徵祥

國務卿奏據銓叙局詳稱遵核護衛司令部軍用文職薦委各員請予分別叙官由
政事堂奉

批令張慈明已另有令明發矣餘准如擬叙官此令

政事堂印

洪憲元年一月十六日

國務卿陸徵祥

國務卿奏據銓叙局詳稱江蘇泰縣助理員劉鵬振在職病故擬請照章給予一次卹金
由

政事堂奉

批令准如所擬給卹此令

政事堂印

洪憲元年一月十六日

國務卿陸徵祥

國務卿奏據銓叙局詳稱多倫稅務監督周蘭田擬請准予緩覲由
政事堂奉

批令周蘭田准予核辦此令

政事堂印

洪憲元年一月十六日

國務卿陸徵祥

國務卿奏據銓叙局詳稱核議江西贛東清鄉案內出力人員方本仁等勳章請訓示由政事堂奉

批令方本仁等已另有令明發餘如所擬分別給獎此令

政事堂印

洪憲元年一月十六日

國務卿陸徵祥

內務部奏河南省會警察廳薦委各職員請予分別叙官由政事堂奉

批令交政事堂飭銓叙局核叙此令

政事堂印

洪憲元年一月十六日

國務卿陸徵祥

內務部奏河南鄆陵縣知事陳壽芝獲犯迅速照章擬獎由

政事堂奉

批令准如所擬給獎此令

政事堂印

洪憲元年一月十六日

國務卿陸徵祥

內務部奏遵核江蘇省請獎辦賑出力人員孫秉鈞等均以縣佐任用由

政事堂奉

批令孫秉鈞等准以縣佐分發任用卽由該部照章辦理此令

政事堂印

洪憲元年一月十六日

國務卿陸徵祥

內務部奏上海救火聯合會成效卓著懇頒賜匾額並獎給會長毛經疇警察獎章由

政事堂奉

批令應准給予該會功孚既濟匾額一方餘如所擬辦理單存此令

政事堂印

洪憲元年一月十六日

國務卿陸徵祥

財政部奏派員兼代綏遠墾務局總辦由

政事堂奉

批令准派龍驤暫行兼代此令

政事堂印

洪憲元年一月十六日

國務卿陸徵祥

財政部奏本部參事司長蒙改簡任職據情轉陳謝悃由

政事堂奉

批令悉此令

政事堂印

洪憲元年一月十六日

國務卿陸徵祥

財政部奏違籌多鑄新幣平劑圓價辦法恭摺祈鑒由

政事堂奉

批令悉即由該部督飭造幣總廠將是項新幣趕速鑄造務期源源接濟用維市面此令

洪憲元年一月十六日

政事堂印

國務卿陸徵祥

財政部
審計院 奏為會核福建巡按使出巡經費擬請照額定數目准銷乞鑒示由
政事堂奉

批令准其照額定數目作正開銷即由該部院行知遵照此令

政事堂印

洪憲元年一月十六日

國務卿陸徵祥

陸軍部奏亂黨嫌疑犯賈瑞五悔罪自首據情懇請特赦由
政事堂奉

批令既據悔罪自首應准特赦著候彙案辦理附件存此令

政事堂印

洪憲元年一月十六日

國務卿陸徵祥

陸軍部奏請給陝西陸軍測量局校各員雷龍錫等獎章由

政事堂奉

批令准如所擬給獎單存此令

政事堂印

洪憲元年一月十六日

國務卿陸徵祥

陸軍部奏請簡明羽林爲陸軍混成旅步兵團團長并緩覲見由
政事堂奉

批令明羽林已有令明發并准緩覲單存此令

政事堂印

洪憲元年一月十六日

國務卿陸徵祥

陸軍部奏軍官李廣田等因公死傷請照章給卹由
政事堂奉

批令准如所擬給卹此令

政事堂印

洪憲元年一月十六日

陸軍部奏請補黃鐘為陸軍步兵上尉由
國務卿陸徵祥

政事堂奉

批令黃鐘應准如擬授官此令

政事堂印

洪憲元年一月十六日

國務卿陸徵祥

司法部奏代陳直隸高等檢察廳檢察長許受衡奉給勳章敬陳謝悃由

政事堂奉

批令悉此令

政事堂印

洪憲元年一月十六日

國務卿陸徵祥

司法部奏據情轉報湖南福建等省高等審檢廳長凌士鈞等繼續任事日期並感激下

忱由

政事堂奉

批令悉此令

政事
堂印

洪憲元年一月十六日

國務卿陸徵祥

司法部奏據報甘肅高等檢察廳檢察官彭立本因公病故擬照章給予一次遺族卹金

由
政事堂奉

批令准其照章給卹交政事堂飭銓叙局查照此令

政事
堂印

洪憲元年一月十六日

國務卿陸徵祥

教育部奏擬請酌給本部及所屬職員陳問成等勳章由
政事堂奉

批令准如所擬給獎交政事堂飭銓叙局查照此令

政事
堂印

洪憲元年一月十六日

國務卿陸徵祥

蒙藏院奏年班人員扎薩克貝子沙克都爾扎布等不克來京值班懇請給假由
政事堂奉

批令准予給假此令

政事堂印

洪憲元年一月十六日

國務卿陸徵祥

京兆尹王達奏遵擬京兆地方自治事宜施行期限繕表請示由
政事堂奉

批令悉即由該尹督飭所屬依照期限認真籌辦務收實效以樹風聲表存此令

政事堂印

洪憲元年一月十六日

國務卿陸徵祥

吉林巡按使王揖唐奏為吉省認解洪憲元年分中央專款恭摺仰祈聖鑒由
政事堂奉

批令悉交財政部查照此令

政事堂印

洪憲元年一月十六日

國務卿陸徵祥

河南巡按使會辦軍務田文烈奏續查前清各縣交代因公虧欠各款援案懇請豁免以示矜恤由

政事堂奉

批令應准如擬一律豁免銷案交內務財政兩部查照單存此令

政事堂印

洪憲元年一月十六日

國務卿陸徵祥

成武將軍督理四川軍務署巡按使陳宦奏陳明前署四川巡按使陳廷傑出巡川東各屬開支經費逾額實有特別情形懇予核銷恭摺祈鑒由

政事堂奉

批令准予核銷交財政部審計院查照此令

政事堂印

洪憲元年一月十六日

國務卿陸徵祥

四川巡按使陳宦奏轉報嘉陵道道尹鍾壽康赴任日期由

政事堂奉

批令悉此令

政事
堂印

洪憲元年一月十六日

國務卿陸徵祥

將軍銜督理甘肅軍務巡按使張廣建奏為青海改設鎮守使遵令妥籌整頓辦法請酌增經費以固國防仰祈聖鑒由

政事堂奉

批令所擬整頓辦法尙屬切實交財政部查核備案並交內務陸軍司法教育交通各部暨蒙藏院查照此令

政事
堂印

洪憲元年一月十六日

國務卿陸徵祥

奏摺

日本留學畢業生勸進團代表前郵傳部郎中日本法政大學畢業倪鴻鈞等奏籲懇大位速登狡寇速討以定人心而維大局摺

奏爲籲懇大位速登狡寇速討以定人心而維大局事竊維天視民視天聽民聽民之所欲天必從之自籌安會發起以訖投票結果數月之間各省一致贊成萬姓同聲懼怖如響斯應不約而同誰爲爲之而至於此也天也順天逆天存亡不爽我 皇上仰承天意俯順輿情詔令一頒對內則天澤分嚴對外則交鄰有道名正言順國本固矣國本固則人心安縱有二三反側何損大德漢高即位之時戎衣方卸明祖御極之日兵事未平誠以天位不可虛懸神器不可久曠神龍出首百怪全消旭日當空陰霾自化此大位之所以宜速登者此也唐任二逆始則贊成繼則反對反覆無常詞旨狂悖通電各省誣譏我國民代表甘心破壞不顧大局夫國家者國民之集合體也人民厭棄共和趨嚮君憲人君代天牧民自必順從民意唐任何心竟欲拂四民之好惡逞一己之圖謀內地則潛通會匪海外則勾結黨徒抗萬姓之共主冒天下之不韙對君上則爲叛臣對國民則爲公敵喪心病狂莫此爲甚我 皇上惟有雲集六師大張撻伐朝撫兼施指日盪平否則滋蔓難圖商民受其影響此狡寇之所以宜速討者此也昔吳三桂憑恃險阻肇亂稱兵勢挾三藩兵力隕厚清兵一至尙不旋踵而滅亡若我 皇上同爲黃帝之神裔受國民之推戴各省將軍巡按使又深明大義共矢忠貞慎省縱稱天塹而以一隅抵禦全國何殊螳臂當車以王師殲掃逆氣無異泰山壓卵一怒安民雲霓望切三軍奏捷日月輝聯臣等一介書生未獲運籌帷幄惟有口誅筆伐伸春秋討賊之義於天下不勝迫切待命之至伏乞 皇上聖鑒謹 奏

軍事諮議陸軍中將銜張斯慶奏籲請早正大位以靖人心摺

奏爲年號已頒洪憲而 登極未沛 思繪續請 大皇帝早正大位籌備處速定朝儀以靖人心而貞國度事竊維吾華立國盛極中天神堯本爲帝嗣繼兄摯而乘乾大舜系出皇家猶支子之紹統禹亦義軒

之後同爲帝室宗親是堯之授舜舜之授禹胥爲君主繼體名爲揖讓實與今之歐美所謂共和民主大相逕庭是吾國人民祇知一姓之君主政治絕不知異姓之民選總統與置驛之共和國體也所以朱均讓德仍屬一家后敢敬承遂歸億姓而陽城箕山之避就雖曰天命亦由洪緒久釐前星早耀民固不得舍吾君之子而別求聖相也吾國自辛亥改革以來其始本挾族姓之見與夫慮蚊之施乃真人應命系出黃虞父老扶杖而觀子弟壺漿而俟咸曰吾今得眞皇帝爲吾神明之胃今而後可以撫我活我矣不意事機未適勉就共和以我 今大皇帝之神文武勳定羣醜撫蒸黎五族膾歎兆人請命不可不謂之純熙大定矣而民氣囂張僉王搆煽仍若海水騰躍金鐵橫飛者則以人間之世不知共和爲何物而宵人之藉口新學者輒以自由平等爲共和之代名詞推翻取代爲革命之大義例小學堂三尺之童侈說競爭權利彈丸邑十天之長羣揚獨立旌旗甚至天屬之親生我之德亦有反脣相譏者曰今日爲共和時代不得以壓力加我矣天下羣苦共和乃益思君主曰安得有帝王治世爲我嚴天澤之分定黑白之尊而消弭羣亂耶所以薄海同聲決定君憲憲法爲君主應有之政體書所謂監於先王成憲則罔有愆是也今旣勸進之表十上始得我 大皇帝俯順輿情允慰民意遲之又久乃見洪憲之改元而大典之籌備尙未定何日之觀成孟子曰天下定於一惟一之首出與一姓之丕承乃眞謂之一百姓渴望一治而久不見登極之文御宇之詔茲又值偏隅之肇亂偷定一之治猶未明白昭示恐猶有觀望二三正不知何日定於一也夫共和非一君憲乃一渙號非一登極乃一蓋從來人主奉天承運必先發膺黃詔示即位而特恩大赦汪瀛絲綸立見龍光載錫天下耳目一新心志自定以神聖爲不可侵犯有恩澤之流浹肌髓至於登極典禮所以隆上都而觀萬國當斯時也建羣鳳之旗伐靈龜之鼓白羽若月赤羽若日靈書八會玉券十華釐廠爰闢薦八十物升壇之寶圖呈益地垂十二旒王會之章所以鄣黍江茅旄牛露犬升於五色之社炤以九華之鏡使萬姓親瞻衢巷祝有血氣必識尊親懷天威之在咫尺反側消沈風道同一格苗有舞征胤無師我 大皇帝至聖至仁允文允武以一身兼堯舜禹之運以一代合子丑寅之時所望紹妣氏之家法備敬德之敬承乾占正位龍飛九五之天震叶問安維綱

元正之日臣不勝瞻天仰聖鼓舞軒輦悚兢恐懼之至謹奏

洪憲元年一月 日

湖北國民代表國民會議議員盧靜遠奏爲力闢謬說辨明真實民意籲請速正大位以定一尊摺

奏爲力闢謬說辨明真實民意籲請速正大位以定一尊恭摺具陳仰祈 聖鑒事竊臣伏讀民國四年十

二月二十九日 申令雲南將軍唐繼堯巡按使任可澄等擁兵謀亂通電各省有代表議決國體利誘威

迫非出本心等語驟聞之下憤懣填膺伏念此次改變國體由各省國民代表大會投票公決一致贊成君憲

並恭戴 大總統爲 皇帝全係按照嚴定之法程表示真實之民意誠以共和國體不適國情辛亥以

還人民日在水深火熱之中險象環生力圖自衛乃有變更國體之議天誘其衷羣情適合表決由於公意擁

戴出於至誠無論絕無利誘威迫之情形即或有甘心從逆傾向共和之官吏亦不能以利誘之使之反對君

憲又何以威迫之使不推戴我 皇彼唐任等陰險反覆久蓄逆謀當雲南代表投票之時其不能施其

利誘威迫之伎倆以遂其亂臣賊子之陰私固其明證而乃假利誘威迫之說以厚誣各省長官厚誣各省代

表厚誣各省人民並厚誣我 大皇帝其喪心病狂何其至於此極也且唐任等籌辦雲南代表大會之時

曾經電致籌備事務局謂茲事爲國家根本大計衆目具瞻關係至重一切均按法定程序不敢倉卒從事貼

議敷衍等語及投票贊成君憲之後唐任等又致電籌備事務局謂投票時各界來賓蒞觀者三百餘人秩序

極爲嚴肅開票結果羣情鼓舞極歡騰隨即攝影散會自始至終均無絲毫紊亂各等語是何嘗有利誘威

迫之情形乎回思共和改制之初本於湖北起義之日湖北之國民代表大會純係正確民意決無利誘威迫

之行爲固臣之所真知而灼見湖北尚不主張共和他省可想而知是亦何待於利誘而又何需乎威迫也唐

任等謬罔之說固不難立辨俾無解釋之餘地乃復聞貴州巡按使龍建章通電各省有請中央召集國民會

議議決之語此種謬說尤堪駭詫查國民代表大會原係由國民會議初選當選人所公舉其人較較之國民

會議議員尤爲加多多數人之決定較之少數人之決定其價值不可同日而語豈有經多數人之決定者再

令少數人決定之理況國民代表之法係由代行立法院根據約法主權在民之條所特定既經國民代表投票公決即係國民最上之主權雖元首亦無可如何豈一省巡按使之可以移易耶此種議論直同夢囈實不足供識者之一噓且臣係湖北國民代表旋又當選為國民會議議員召集國民會議議決之說臣極端決不贊同即或再交國民會議表決而各省中如臣之當選為國民代表又當選為國民會議議員者正不乏人豈有贊成君憲於先而反對君憲於後之理抑何不思之甚也總之邪說之所以誣民實由我 皇之未有建極 天澤之分一定覬覦之謀自消伏乞 皇帝速正大位以靖反側而順人心國民幸甚大局幸甚臣職責所在不得不據實直陳伏祈 聖鑒訓示施行謹 奏

參謀本部奏據署喀什提督馬福興電懇早日表示登極以順天命而維人心據情代奏摺

奏為據情代奏恭摺仰祈 聖鑒事據署喀什提督馬福興冬電稱臣蒙 恩命署理提督接印以來時

愿力保治安所有籌辦營伍會緝匪黨宣布 皇恩撫輯邊民保護商埠各詳情另行報告惟各王公及在

喀漢回纏哈紳商士民暨華僑等均於元旦來署慶賀 皇上登極歡忻鼓舞因未發表盼望甚誠仰祈

早日表示以順天命而維人心敬冒昧上達伏候 訓示謹奏仰懇代奏 皇上聖鑒等情前來理合

據情代奏伏乞 皇上聖鑒謹 奏

洪憲元年一月十二日

憲政協進會交際部幹事陸費煊奏國體決定逆黨窺竊懇速登大寶以慰民望而絕奸謀摺

奏為國體決定逆黨窺竊懇速登大寶以慰民望而絕奸謀並陳管見恭摺仰祈 聖鑒事竊維一人有

慶兆民賴之自國體確定以來天位有歸薄海人民無不延頸以望幸福不意暴徒不諒以少數伏莽妄思擾

亂雖深信跳梁小醜當易撲滅第國家不可一日無主人民不可一日無君伏願我 皇上仰承天運俯順

輿情隆建皇圖速登帝位俾使君憲成立天下治安以杜狡寇覬覦之謀以抒四海雲霓之望人民幸甚天下

幸甚所有籲懇登極各緣由理合恭摺具陳伏乞 皇上聖鑒施行謹 奏

國務卿奏遵令飭局會同教育部核議直隸巡按使請將教員作為職官一案擬請緩辦摺

奏為遵令飭局會同教育部核議直隸巡按使請將教員作為職官一案擬請緩辦恭摺仰祈 聖鑒事據

銓叙局詳稱奉堂交直隸巡按使朱家寶奏擬請將教員改為職官陳明大概辦法以備采擇一摺奉 批

令交政事堂飭銓叙局會同教育部核議具覆此批等因奉 批此當經局與教育部商洽以爲此項辦法藉以策

勵教員用意洵爲至善惟體察現在各處財政情形推行恐有窒礙自不能不詳慎核議以求允當旋准教育

部咨稱直隸巡按使奏請將教員改為職官一案查核原奏所引日本博士建部遜吾議案於教員作為職官

之理由陳述至爲詳明教員爲國家公職之一與普通官吏之地位待遇齊其等差准諸學理本無不合惟按

之吾國現狀於地行不無困難其一吾國地方情形通塞腴瘠彼此不同教員俸給厚薄各異一經作為職官

則計等定俸不能過爲特殊倫名義上有職官之稱而俸給上無法定之額此則仍不過有給吏員之一而實

非作為職官辦法其二各省豫算自爲伸縮教育基金並未確定現時各校教員大率自行延聘雖有輕於去

就之嫌尙餘酌量供求之地倘作為職官則員缺俸給等量略同支出驟增事可預計恐各省教育經費非數

倍現額不可揆之目前情勢夫豈言易或謂不給俸給而僅畀以虛榮然旣不足以贍其身家而較確有俸給

之官吏轉覺相形見絀吾國自好之士向多盡力社會而不願並廁官僚即前清時代學校官人多視爲清

秩今之熱心教育者大率堅苦卓絕克完其高尚之人格不失爲師道之尊嚴國家重視教員但使錫以勳章

優其待遇已足以表異於凡民之列似不必驟以官秩而後始有恆心伏讀本年一月一日 申令有曰苦

其心志以獵官爲大戒教員爲學生表率更當恪遵 申令以樹風聲緣上所述本部對於教員作為職官

一案前經歷次討論迄未敢輒率解決此次直使奏稱各節其尊重教育之苦心本部亦深敬佩但因種種關

係聯帶而生擬請俟財政充裕得定俸給時再行核議應如何會商核覆之處希由貴局主稿見覆辦理望切

施行等因到局查該部係主管官署原咨所稱各節自係實在情形擬請即照該部所議暫緩辦理俟財政充

裕得以一律釐定俸給時再行議辦是否有當謹詳請轉奏等情所有遵
巡按使請將教員作為職官一案擬請緩辦各緣由理合據情轉奏伏乞

令飭局會同教育部核議直隸
皇上聖鑒訓示遵行謹 奏

政事堂奉

批令准如所議從緩辦理交教育部查照並轉行直隸巡按使知照此令

政事
堂印

洪憲元年一月十二日

國務卿陸徵祥

司法
內務
財政
農商

部奏為會核察哈爾馬羊羣地方擬設墾務行局兼設治局一案祈聖鑒訓示摺

奏為會核察哈爾馬羊羣地方擬設墾務行局兼設治局一案恭摺仰祈 聖鑒事竊准政事堂交察哈爾

都統兼墾務督辦何宗蓮呈擬於現放馬羊羣地方設墾務行局並設治局奉 批令交內務財政司法農

商各部會同核議具覆此批等因奉 此當經臣等遵 批會核該都統原呈所稱察哈爾商都地方距離縣

治窳遠農民苦無保障自係實情所請選擇適中地點設立墾務行局兼設治局似可照准以廣墾殖其擬劃

張北縣之四台與和縣之五六七台陶林縣之八台並歸該局管轄亦尙可行改縣一節應俟將來辦有成效

再行量情陳請核奪惟此項治局既為設縣治過渡之制所有兼理訴訟各項辦法亦自應准照縣知事兼理

司法各章程辦理其應需開辦暨常年經費應俟墾務總局造具各項概算表到部再行核辦所有遵

批會核察哈爾馬羊羣地方擬設墾務行局兼設治局一案情形是否有當理合恭摺具陳伏乞 皇帝陛

下聖鑒訓示謹 奏

政事堂奉

批令准如所擬辦理即由各該部轉行遵照此令

堂印

洪憲元年一月十三日

國務卿陸徵祥

財政部奏河南浙江二省承募四年公債出力各員援案請獎恭摺仰祈聖鑒摺(附單)

奏為河南浙江二省承募四年公債出力各員請查核奏獎以昭激勸等因到部查河南省承募四年公債一百五十三

萬餘元浙江省承募四年公債八十五萬餘元核與本部呈准獎勵規則第二條所列特獎資格暨歷次請獎

成案均屬相符自應據情轉奏並擬具獎勵等級清單仰祈 恩准如擬給獎以資鼓勵而策將來所有河

南浙江二省承募四年公債出力各員援案請獎緣由理合恭摺具陳並繕具名單伏乞 皇帝陛下聖鑒

訓示謹 奏

政事堂奉

批令吳鈞等已有令明發趙基年等均著傳令嘉獎餘如所擬給獎交政事堂飭銓叙局查照此令

政事堂印

洪憲元年一月十三日

國務卿陸徵祥

謹將河南浙江二省承募四年公債出力人員應得獎勵擬具等級清單恭呈

御覽

計開

浙江財政廳長吳 鈞

以上一員擬請獎給三等嘉禾章

浙江巡按使公署秘書陸懋勳 浙江杭州商會總理顧松慶

以上二員擬請獎給四等嘉禾章

河南巡按使公署秘書徐仁錄 河南財政廳秘書李宗恆 河南公債經理處副主任潘志和 浙江財政廳科長杜述琮

以上四員擬請獎給五等嘉禾章

河南巡按使公署秘書傅思德 浙江巡按使公署助理秘書陶元鏞 浙江公債經理處辦事員劉鍾球

浙江公債經理處委員孔繼榮

以上四員擬請獎給六等嘉禾章

河南公債經理處助理員姜壽書 河南公債經理處助理員徐宏文 河南公債經理處助理員沈炳成

河南公債經理處助理員胡增榮 河南公債經理處助理員崔鴻荃 浙江巡按使公署顧問趙錫恩

浙江財政廳科員袁鼎 浙江財政廳科員謝希福 浙江財政廳科員艾文潮

以上九員擬請獎給七等嘉禾章

河南河洛道尹趙基年 河南公債經理處主任張景延 河南公債經理處副主任馬惟焯 浙江巡按使公署顧問毛雍祥 浙江財政廳科長江遲 浙江公債經理處科員陳頤壽

以上六員擬請傳 令嘉獎

財政部奏遵核湖南省綏寧等四縣水災案內蠲緩豁免錢糧租穀各數與例相符彙案具奏摺

奏為遵核湖南省綏寧永順武岡桃源四縣水災案內蠲緩豁免錢糧租穀各數與例相符彙案具奏仰祈

聖鑒事承准政事堂交湖南巡按使沈金鑑呈查明綏寧縣前因河水暴漲沿河田畝悉被損害蠶繭分別

蠲緩豁免額徵錢糧一案於四年十二月七日奉 批令准予分別蠲緩豁免交財政部核明呈辦並交內

務部查照此批又交湖南巡按使沈金鑑呈查明永順縣前因雷雨兼旬山水暴發損害田畝蠶繭分別蠲緩

豁免額徵錢糧一案於四年十二月七日奉 批令准予分別蠲緩豁免交財政部核明呈辦並交內

務部查照此批又交湖南巡按使沈金鑑呈查明永順縣前因雷雨兼旬山水暴發損害田畝蠶繭分別蠲緩

豁免額徵錢糧租穀一案同日奉 批令准予分別蠲緩豁免交財政部核明呈辦並交內務部查照
又交湖南巡按使沈金鑑呈查明武岡縣前巴河水暴漲損害田畝籲懇分別蠲緩豁免額徵錢糧租穀一案
同日奉 批令准予分別蠲緩豁免交財政部核明呈辦並交內務部查照此批又交湖南巡按使沈金鑑
呈查明桃源縣前因秋水驟漲損害田畝籲懇蠲緩額徵錢糧一案於四年十二月八日奉 批令准予分
別蠲緩交財政部核明彙案呈辦並交內務部查照此批各等因鈔交到部遵查湖南綏寧永順武岡桃源四
縣四年被水成災損害田畝已迭准該巡按使先後咨陳並附送被災分數及蠲緩豁免賦銀租穀各數清冊
當即詳加查核綏寧縣冊列被災田畝共五百一十二畝九分計可修復者四百七十三畝沖廢不能復墾者
三十九畝九分應蠲免省平賦銀二十一兩八錢五分二釐六毫緩徵省平賦銀九兩三錢六分五釐四毫豁
免省平賦銀二兩六錢三分三釐四毫永順縣冊列被災田畝屬於民業者成災田一千三百畝沖廢不能復
墾田一千零九十八畝屬於莊田者成災田十四畝七分沖廢不能復墾田二十八畝五分應蠲免省平賦銀
四十八兩五錢二分六釐六毫八絲八忽租穀五石七斗七升五合緩徵省平賦銀二十兩零七錢九分七釐
一毫五絲二忽租穀二石四斗七升四合豁免省平賦銀五十五兩二錢四分三釐二毫租穀一十五石九斗
二升武岡縣冊列被災田五千八百九十一畝五分零四毫沖廢田一千八百一十八畝四分三釐零四絲三
忽應蠲免省平賦銀九十六兩二錢四分四釐五毫緩徵省平賦銀二百七十七兩一錢四分二釐六毫豁免
省平賦銀一百一十兩零七錢零七釐又桃源縣冊列成災八分田四千二百二十五畝成災七分田二千一
百零五畝成災六分田一千八百零五畝成災五分田二千八百畝應蠲免省平賦銀一百六十四兩五錢七
分六釐緩徵省平賦銀五百三十五兩二錢六分四釐臣部按照各縣原冊覆核數目俱相符合該巡按使所
請蠲緩豁免各數均係查照成災分數分別蠲緩核與條例相符自應欽遵 批令准予分別蠲緩豁免以
紓民困所有遵核湖南省綏寧永順武岡桃源四縣水災案內蠲緩豁免錢糧租穀各數緣由理合恭摺具陳
伏乞 皇帝陛下聖鑒訓示謹 奏

洪憲元年一月十三日

財政部奏直隸商會聯合會勸導印花稅暨勸募公債請將出力人員再凌雲等分別給獎以資鼓勵乞
訓示摺

奏爲直隸商會聯合會勸導印花稅暨勸募公債請將出力人員分別給獎以資鼓勵恭摺仰祈 聖鑒事
竊准直隸巡按使朱家寶咨據財政廳詳准商會聯合會直隸事務所函稱四年公債與印花稅兩項奉巡按
使諭以切實提倡議定由會派員前往各縣督同該地商會實力勸導當經副會長冉凌雲擔任前往分赴直
隸京兆各縣商會召集當地紳商開會演說並編印各種白話傳單到處散佈歷時三月之久周歷偏僻地方
七十餘縣復由該員中途約定會董現充高陽縣商會副會長張興漢石家莊商會會長王之華等分路前往
附近各該地方召集開會實力鼓吹人民咸受感覺統計直隸京兆各縣紳商認購債額四十三萬七千餘元
印花稅推銷三萬五千餘元實屬不無微勞所有旅費等項概行自備純盡義務尤爲難能擬請分別獎叙等
情據詳轉咨到部查臣部核議政事堂參議會彙進條陳紳商助理財政給獎辦法案內聲明凡財政上特別
之事如清查地畝推廣新稅勸募公債各省縣均得遴選公正紳商委託助理辦有成效由縣知事詳請巡按
使給予匾額或者部呈請給予勳章等語於上年五月間繕具說帖呈奉 批是等因當經恭錄通行遵照
嗣於十月間以山東歷城縣紳董侯承恩幫同辦理驗契等稅出力援照前項給獎辦法呈請給予八等嘉禾
章奉 批令准如所擬給獎等因亦經恭錄行知各在案此次直隸商會聯合會副會長冉凌雲等周歷直
隸京兆各縣勸導印花稅暨勸募公債開會講演頗著成績且並未支給旅費核與臣部呈准紳商助理財政
給獎辦法成案相符擬請將該聯合會副會長冉凌雲一員援照委任官例給予八等嘉禾章其該會董張
興漢王之華二員即由直隸巡按使各獎給匾額一方以昭激勵是否有當伏候 聖裁所有請將直隸商
會聯合會勸導印花稅暨勸募公債出力人員分別給獎緣由理合恭摺具陳伏乞 皇帝陛下聖鑒訓示
謹 奏

政事堂奉

批令准如所擬分別給獎交政事堂銜敘局查照並由該部行知直隸巡按使遵照此令

政事
堂印

洪憲元年一月十四日

國務卿陸徵祥

辦理國民會議
籌備立法院

事務局長顧鼐奏全國選舉資格審查會職務繁要擬懇准予酌給會長及各審查員車馬費以資補助而彰勞動恭摺仰祈

聖鑒事竊全國選舉資格審查會依法執行審查職務經過情形前經臣局於上年十二月三十

一日恭摺奏報在案查兩局預算原列有全國選舉資格審查會經費一款嗣經內務財政兩部以除會中辦

公費而外審查員毋庸支給津貼以資節省等語會核具覆自係為撙節財力起見惟此次全國選舉資格審查會因執行審查職務冊籍紛繁時期迫促會長及各審查員夙夜在公實屬異常勞瘁津貼一項雖未便再

請支給致與原案不符而各該員來往車馬所費委屬不貲似亦未便竟聽賠累茲擬自全國選舉資格審查會開會之日起迄各項選舉資格調查名冊一律審查完畢之日止懇 恩酌給會長一次車馬費共四百

元審查員每員一次車馬費二百元通計共需銀六千二百元如蒙 俞允一俟 命下即由臣局咨請

財政部特別撥款以憑分別照給再全國選舉資格審查會係於上年十一月十日成立開會此項車馬費應

歸入上年份特別准支款內支銷不在本年度預算範圍以內合併聲明所有全國選舉資格審查會職務繁

要擬懇 准予酌給會長及各審查員車馬費以資補助而彰勞動緣由是否有當理合恭摺具陳伏乞

皇帝陛下聖鑒訓示謹 奏

奏摺

政事公報

奏摺

一月十七日第十二號

政事堂奉

批令准如所擬辦理交財政部查照撥給並交內務部查照此令

政事堂印

洪憲元年一月十一日

國務卿陸徵祥

陝西巡按使呂調元奏署理渭南縣知事王垓積勞病故懇予優卹摺

奏為署理渭南縣知事王垓積勞病故懇請優予給卹恭摺仰祈 聖鑒事竊據代理渭南縣知事陳薦穎稟稱竊查已故前署渭南縣知事王垓秉性剛正辦事精勤自本年七月到任以來極力整頓百廢舉舉渭南地當衝要民情剽悍匪風之盛甲於他邑王知事下車伊始即以治匪為先務編練警隊籌辦行團不時親赴四鄉認真稽查夙夕辛勤心力交瘁每當退食自公恆覺精神疲憊十二月七日有渭北土匪報稱土匪劉倉娃甘願投誠請求招撫王知事聞報即輕騎從馳赴該處開誠布公詳細勸導奔馳兩日倍極勞苦因之感受風寒心胃作痛十二日駐渭陸軍開赴大荔因支付車輛與縣差口角互毆勢甚洶湧王知事扶病出署親往彈壓始獲安靖時已深夜王知事甫欲回署陡覺目眩氣衝登時殞命身後景况蕭條家徒壁立擬請從優議卹以示褒矜而昭激勸等情據此臣伏查該知事王垓精明幹練為守兼優前在湖北黃梅縣陝西華縣署任辦理要政卓著勤勞嗣因渭南匪氛未靖調署斯邑到任五月於治匪禁煙諸端認真進行不遺餘力乃竟因公致疾積勞病故身後蕭條尤堪惻念查文官卹金令第十七條載文官在職未滿十年有左列情事之一者得於第三條之終身卹金並增給卹金之三分二範圍內給以遺族卹金又同條第一項載因公致死者各等語該故知事在職積勞身故核與前條情事相符合無仰懇 天恩俯准 敕下政事堂飭銓叙局照章從優給卹以示矜恤而昭激勸出自 逾格鴻慈除咨政事堂銓叙局查照外所有署理渭南縣知事

王垓積勞病故懇予優卹給卹緣由理合恭摺具陳伏乞 皇帝聖鑒訓示謹 奏

政事堂奉

批令交政事堂飭銓叙局從優議卹此令

政事堂印

洪憲元年一月十一日

國務卿陸徵祥

江蘇巡按使齊耀琳奏核准免試知事姚浚等現任要職擬請免予考詢先行分發並緩覲見摺

奏為核准免試知事姚浚等現任要職擬請飭部准免考詢先行分發並緩覲見恭摺仰祈 聖鑒事竊臣

前以查核准免試知事嚴保榮等均任要職勢難遠離案呈請飭部免予考詢先行分發並緩覲見業

已奉 令照准在案茲復查有現充巡按使公署總務科科員姚浚財政廳調用科科長梁克綏清理宜產

處委員姚繩武滋滬警察廳稽查員李修梅遼河上游隄工事務所坐辦萬立鈺水利局塘工委員馮步俱查

勘漣水縣河工委員薛振東等七員均籍隸外省又財政廳調用科科員楊念梁水利局塘工委員汪承修

福斌調查學務委員趙湯等四員均籍隸本省前准內務部咨送名冊到蘇各該員均係第四屆縣知事保准

免試本應飭令赴部聽候考詢惟該員等現任職務重要未便遽易生手台無仰懇 恩准飭部將姚浚梁

克綏姚繩武李修梅萬立鈺馮步俱免其考詢先行分發江蘇任用其籍隸本省之楊念梁汪

承修惲福斌趙湯等四員一併免其傳詢先行分發暫留蘇省供差並懇一體緩覲以備任使之處出自

逾格鴻施所有核准免試知事姚浚等現任要職擬請飭部准免考詢先行分發並緩覲見緣由除咨內務部

外理合恭摺具陳伏乞 皇上聖鑒訓示謹 奏

政事堂奉

批令該員等既係現任要職應准免其考詢即行分發任用其籍隸本省之楊念榮等四員准先行分發省分仍暫留供差並均准緩覲交內務部查照辦理此令

政事
堂印

洪憲元年一月十一日

國務卿陸徵祥

將軍銜督理新疆軍務巡按使楊增新呈規復奇台縣舊有渠道與墾殖民估需經費銀兩情形請訓示

文並 批令

爲規復奇台縣舊有渠道與墾殖民估需經費銀兩情形仰祈鈞鑒事竊查奇台縣地方爲新省東南重鎮商賈輻輳人類龐雜向稱產煙著名之區本年禁絕根株在本地戶民自有田畝原可易種嘉禾而外來流氓素以租地種煙射利者改租種糧率不合算是以不無失業又該縣東北通烏里雅蘇台直北與科布多阿爾泰山接壤糧食歲多輸出價日增高是非規復該縣舊有渠道振興農業既不足以安插流氓復無以擴充地利增新前以水利會組織成立飭令查照會章籌辦去後旋據該縣知事鄭有叙詳稱奇台縣屬在前清承平時有熱地三十六萬餘畝自遭兵燹渠被沙填荒廢地畝至十四萬餘畝之多至今尙未墾復即於董子溝地方先年人煙稠密野無曠土現因渠廢地荒戶口較昔年只有十分之四今擬規復舊渠安戶與墾確可裨裕民生估需經費銀一千餘兩此外則有中渠西渠及吉布庫永豐舊有各渠若能一律修復安戶更多估需經費銀七千兩惟是民力薄弱難與謀始擬先由公家籌款與辦一俟渠工告竣仍可於受益地畝及放荒地價內繼續籌還等情請示前來增新以興墾有關邊計而在奇台近來食業生寡交通日關於規復舊有渠道開荒安戶尤不容置諸緩圖比經批准先將董子溝渠著手興修限期從速告竣其中西等渠均准陸續動工所需經費擬由財政廳設法籌墊核實動用將來渠工告竣分別由受益田畝及丈放荒地內酌收經費以資彌補

如再有不敷之數即歸公家補助列入水利經費項下造報請銷雖日請酌籌整壘荒之費而地畝升科以後自可以增加收入於國於民均有裨益除俟工竣另報並分咨內務財政農商各部暨水利局外理合呈請大總統鈞鑒訓示施行謹 呈

政事堂奉

批令准如所擬辦理交內務財政農商各部暨全國水利局查照此令

政事堂印

洪憲元年一月十日

國務卿陸徵祥

將軍銜督理新疆軍務巡按使楊增新呈為修復吐魯番舊廢坎井水利包工估需銀兩情形祈訓示文並 批令

為修復吐魯番舊廢坎井水利包工估需銀兩情形仰祈鈞鑒事竊查吐魯番縣土地膏腴種植五穀及棉菊蔬果之類在前清因遭兵燹地多荒棄開省三十餘年招徠生聚比日衆而地日闕所產棉花葡萄兩宗運銷俄疆為出口土貨一大宗故土地近益開拓然非資水灌溉等若石田增新前飭該縣知事陳繼善切實詳查舊有官廢坎井水利現在是否可以修復去後茲據詳稱查有義學官廢坎井一道年久失修估工包與阿吉等修復計井洞一百二十箇皆擬深挖兩旁各加挖五寸井口從新蓋護計包工銀八百兩訂於九月二十八日動工另需木料等項概歸公家備辦又有雅爾湖地方迤東之官有廢井兩道修復較易擬由東邊坎源挖水一道直接於西邊坎源合流宏大傳集工頭艾肯木朶爾等估工包修計開挖西坎一等井洞二十箇包工銀八百兩二等井洞二十箇包工銀七百兩三等井洞二十箇包工銀六百兩修濬旱洞四十七箇包工銀五百兩又由東坎源挖至西坎源計長八十三弓包工銀八百三十兩又東坎源之上加挖井洞四箇包工銀

二百四十兩共計包工銀三千六百七十兩責成紳民哈以提亦盡忠兩人督工承辦各等情詳請核示遵辦前來增新覆查該縣引水之法有二一曰溝渠一曰坎井溝渠係普通辦法坎井則為吐魯番所獨先掘地為井穿井數十再由井中橫開渠道使此井之水灌入彼井如貫珠然井則如珠而井中暗渠則如穿珠之線第一井深至數丈第二井次之第三井又次之自第一二三井以至數十井皆然激水上行至末一井則深只數尺而水出地上矣考之史記河渠書臨晉民引洛水至商顏下乃鑿井深者四十餘丈往往為井井下相通行水井渠之生自此始云云由是言之井渠之法最古而內省反失其傳新鑿亦惟吐魯番有之茲該知事查議學官廢坎井一道及雅爾湖迤東官廢坎井兩道並籌擬包工修復自是確有把握利益甚宏比經批飭照辦督工之哈以提亦盡忠雖係地方委紳未便令枵腹從公各准月給銀一十二兩以資津貼所需包工價銀統計四千四百七十兩此外委員薪金及購置木料等費雖未據一律估報約計為數不多除以魯克沁回部福晉捐助銀一千兩外不敷之數擬暫由財政廳墊發俟坎井開成將此水租給民間灌地即以歷年所得租價銀內分期解繳歸庫以資彌補應俟各工告竣繪圖貼說另報并分咨內務財政農商各部及水利局外理合呈請 大總統鑒核訓示施行謹 呈

政事堂奉

批令准如所擬辦理交內務財政農商各部暨全國水利司查照此令

政事堂印

洪憲元年一月十日

國務卿陸徵祥

財政部奏漢陽關監督杜光佑詳報銷假摺

奏為漢陽關監督詳報銷假摺請特陳恭摺仰祈

聖鑒事

竊查漢陽關監督杜光佑前丁母憂由部轉呈給假治喪並委科長徐宗城代理關務等因在案茲據該監督詳稱杜光佑於本年十一月間丁母憂由部轉呈給假治喪並委科長徐宗城代理關務等因在案茲據該監督詳稱杜光佑於本年十一月間丁母憂由部轉呈給假治喪並委科長徐宗城代理關務等因在案

等情前來理合恭摺具陳伏乞 皇帝陛下聖鑒訓示

政事堂奉 批令悉此令

政事堂印

洪憲元年一月十日

國務卿陸徵祥

海軍部奏練習艦隊司令官兆麟到任日期並感激下忱據情代陳摺

奏為司令到任並感激下忱據情代奏仰祈 聖鑒事竊據海軍練習艦隊司令官兆麟詳稱民國四年十二月二十一日政事堂奉 策

令任命官兆麟為海軍練習艦隊司令此令並由大部具奏簡任軍職人員曾兆麟職務重要擬請暫緩覲見四年十二月二十九日承准政事

堂鈔交奉 批令曾兆麟准予緩覲此令各等因奉此嗣於本年一月一日准護職海軍練習艦隊司令徐振麟將司令銀質印信一顆並各

項文卷冊籍委員資送前來兆麟即於是日接印任事伏念兆麟海疆下士軍艦備員自願庸愚愧無報稱乃蒙 恩命感悚彌深兆麟惟有

整躬勵素於訓練事宜認真整理勉竭駑駘以仰答 高厚鴻慈於萬一所有就職日期暨感激下忱詳請代奏等情到部理合據情代奏

伏乞 皇上聖鑒謹 奏

政事堂奉 批令悉此令

政事堂印

洪憲元年一月十日

國務卿陸徵祥

步軍統領江朝宗奏京師地面續行得雪情形摺

奏為京師地面續行得雪情形恭摺仰祈 聖鑒事竊據臣衙門兩翼翼尉五營將官等詳稱一月七日下午五點降雪至八日上午一點雪

止京師及四郊地面得雪二寸有餘等情詳報前來查京畿地方連日得雪祥霽麥田深資密潤農民歡悅豫卜豐年理合恭摺具陳伏乞

皇上聖鑒謹 奏

政事堂奉 批令悉此令

政事堂印

洪憲元年一月十日

國務卿陸徵祥

直隸巡按使朱家寶奏報口北道尹陳玉麟任事日期據情代奏摺

奏為恭報道尹任事日期據情代奏恭摺仰祈 聖鑒事竊據口北道尹陳玉麟詳稱本年十月二十四日恭奉 策令任命陳玉麟為直

隸口北道尹此令等因遵於十一月二十九日入都現 見旋即領憑到省奉飭赴任於十二月十五日接篆任事伏念玉麟司牧南瀛自開

撫綏之術分巡西蜀尤漸表率無方綜度支於吉林愧少裕以實邊之策縮縫網於浙水莫展官山府海之籌辛亥以來棲遲滬海正邱園之伏

處辱 雨露之類施欣逢 景運宏開渥荷 綸旨特簡自 天開命伏地增漸查口北為九塞要區道尹領十屬重任自維樗味懼

弗克勝惟有矢慎矢勤恪恭將事以期仰答 高厚鴻慈於萬一所有任事日期暨感激下忱謹具履歷詳請代奏前來除將履歷分咨政事

堂銜叙局暨內務部查照外理合恭摺代奏伏乞 皇帝陛下聖鑒 奏

政事堂奉

批令憑此令

政事堂印

洪憲元年一月九日

國務卿陸徵祥

總飭

外交部飭第八十二號
駐美使館主事派王一之署理此飭

外交總長陸徵祥

部印

中華民國四年十二月三十一日

外交部飭第八十三號

駐坎拿大總領事館隨習領事白壽和開缺另候任用此飭

外交總長陸徵祥

部印

中華民國四年十二月三十一日

外交部飭第八十四號

僉事王治輝緒儒黃履和主事徐乃謙申壽慈李廷斌紹武王汝明哈漢京郭則濟著各進一級徐鼎吉紳伍步翔李國式均進叙六等支第三級俸耿葆淦裴維鈞均進叙七等支第五級俸此飭

外交總長陸徵祥

部印

中華民國四年十二月三十一日

外交部飭第一號

駐伊爾庫次克領事館隨習領事派關裕恩署理主事派薛鏞署理此飭

外交總長陸徵祥

部印

洪憲元年一月八日

內務部飭第一號

孫保圻派充本部一等辦事員此飭

內務總長朱啟鈐

右飭孫保圻准此

部印

洪憲元年一月十二日

陸軍部飭第五號

試署初級法官劉懋昭著即補實此飭

陸軍總長王士珍

右飭軍法司暨各廳司處准此

部印

洪憲元年一月八日

公電

川邊鎮守使劉銳恆電奏一月十三日

政事堂統率辦事處參政院代行立法院大典籌備處內務部鈞鑒據國民代表大會川邊國民代表甲宜齋張錫九劉贊廷張毅徐熙李寶楚劉應瀚毛敬修周炯伯陳選齡藍風翔李崇樸劉錕謝繼宗羅人傑康明良熊濟文商象昭李鵬姜樹文孫涵宋家鏗馮慶樹傅維弼等函稱爲公請電祈代表等於一月三日函請代奏 大皇帝籲懇早登大寶以定人心一函知已電奏在案近日人民盼望登極明詔如大早之望雲霓而遲遲未奉頒詔詳訪其故或謂我 大皇帝允讓允恭慎重大典欲俟滇亂平定之後始行登極頒詔等語道路傳聞自不足信然代表等竊以爲今日大局萬不可因此再延登極之期蓋君憲政體恭戴

當今實出全國人民之真意惟少數亂黨每欲借詞煽亂冀遂其狂悖之行然人民厭棄共和億萬一心故滇逆唐任等憑借該省最高機關擁兵煽亂逆電徧傳海內而天下無一附逆之人即該省人民亦痛恨該逆之所爲日盼 聖主早登大位迅發王師解彼倒懸望者時雨是登極則名正言順天討立伸遷延則邪說橫言蠱惑益甚此登極大典不能因滇亂而稽延者也川邊近連滇界僻處遐荒境內人民漢夷雜處盼望眞主早日登極滇亂早日戡平之心較之他省區爲尤切代表等既受人民以贊成君憲國體之事相委託自應掬獻人民之真情以敦勸我 大皇帝早御宸極順天心而從民意定萬年有道之長基以保我中華帝國之子孫黎民安全萬世代表等方爲不負委託達到目的想我 大皇帝文武聖神以民爲重當必俯從所請也所有迫切請願緣由理合函請奏 大皇帝聖鑒等情准此理合電懇代奏以順輿情而定國本大局幸甚川邊鎮守使劉銳恆叩眞印

西安陸建章等來電一月十三日

萬急除雲南貴陽北京政事堂統率辦事處參政院代行立法院各省將軍巡按使並轉各鎮守使徐州長江巡閱使上海寧夏福州護軍使張家口歸化承德都統阿爾泰西寧塔城辦事長官導河甘肅提督岳州曹司

令馬司令張司令鑒本日敝處致貴州電文曰尊處鑿電敝處尙未接到無從懸揣惟據卅電奏稱各省國民會議議員現已選出急應召集討論又云若我輩迴護前言不忍小過而避大錯等語查此電詞意影射關係甚巨在貴使或特爲讜論而建章等則不無憂疑茲與貴使平心論之夫國體討論本之各省代表而代表實出自民意幾月以來依法選舉舉國上下共聞共見審慎討論是以有君憲之解決君憲者實全國民意之機關民意機關既已產出君憲則宣布之後按之約法不獨元首無取消之特權即當時民意亦無審議之餘地乃貴使頃以潰亂之故率爾電奏意在更議試思國家大計存亡所關中外矚望朝令夕改成何國體假令昨日所定今日易之又將何法以處明日之議乎此不可解者一我輩身任疆寄政令所出國之典型也不敢謂絕無過失抑何至全無是非民主政體國情不適人民程度毫釐千里今國人幡然改圖乃貴使一則謂我輩前言再則謂我輩小過不知本之選舉我輩有何前言事出民意我輩有何小過此不可解者二總此數言愚之至再無術索解議者謂貴使密邇疆或受亂徒嗾使首鼠兩端固非貴使之本意也然國方多難丁茲危局喪邦與邦係於一言建章等袍澤多年風濤共濟事關大局曷敢安緘默用布縷縷立候惠言等語查貴州龍使卅電文詞意兩可心懷叵測欲藉潰亂之發生取消君憲之成局惜其鑿電尙未接到無從駁斥丁茲時艱風雨飄搖我輩受國厚恩凡此莠言亂政急應詰責揭其陰謀以防反側諸公忠亮想有同情偉畫如何並乞賜示陸建章劉承恩呂調元眞印

長沙教育會葉德輝等來電一月十三日

政事堂參政院代行立法院均鑒竊中國非帝制不能立國帝制非今上不能立憲立憲所以爲一國圖永安卽爲兆民謀樂利此德輝參與籌安會主張君主立憲之本意也迨被舉爲教育會長與前會長符定一副會長蔡湘陳建中討論學說以爲中國文化重在三綱五倫天生民立之君經訓昭垂古今不易故國民代表研究國體德輝等七十三人均一致主張君憲敦促進行先後各省次第電到全國皆表同心雲南國民代表九十六人據唐繼堯任可澄疊次電陳並無異議何以一經蔡鐸煽惑誘脅未及旬日頓食前言在悖逆詞

並不自知其矛盾蔡鐸唐繼堯任可澄來自田間履歷甚微不韋一職即派口領兵何事極其踴躍任爲
奏 皇帝陛下大張天討拯瀆民於水火之中小醜跳梁邊陲貧瘠膚功克捷在指顧間尤望我 皇上
立頒登極詔書以慰四海雲霓之望德輝等桑榆晚景翹首太平蔡鐸唐繼堯任可澄擾已定之國基樹人民
之公敵凡我全國人民無不痛心切齒義憤同伸湘省壤地毗連剝膚痛急伏乞據情代奏以申民憤而振國
威無任迫切呼籲之至教育會葉德輝蔡湘陳建中符定一憲政協進會湘支部副理事黃鏡朱廷利曹惠等
同叩真

南寧陸榮廷文電 一月十三日
王祖同

政事堂代行立法院鈞鑒頃據興安商會全體電稱此次君主立憲係出全國民意各省代表投票贊成萬衆
一心推戴 今上爲大皇帝敝會極端贊同盼速電達中央勸 今上俯順人心免失衆望等語相應電
達俯賜轉呈爲叩榮廷同叩文印

川邊鎮守使劉銳恆電奏 一月十三日

政事堂鈞鑒陽電殷殷以所轄地方情形在大典告成之後是否決不至有重大變亂如匪徒偶有蠢動能否
迅即戡平望切實徑奏等因奉此仰見朝廷視民如傷慎重大典之至意欽佩莫名夫國體定爲君憲恭戴
當今實出全國人民之真意惟少數亂黨不便私圖每欲狂亂然大多數人民咸厭惡鄙棄之即如此次雲
南亂黨唐任等雖憑藉該省最高機關擁兵煽亂然據密探報稱該省人民實痛惡該逆等之所爲即該省文
武官吏以及軍士亦多深明大義歸向聖君因在亂黨勢力之下惟有吞聲飲泣日盼王師速至解彼倒懸滇
省內容情形且屬如是其餘各省區文武將吏皆屬忠君愛國之人軍民一心防範周密諒彼亂黨鼠輩技無
所施雖該省逆電能達海內而天下無一附逆之人同聲請討萬口一詞亦足見天心人意之所在矣惟是
聖主尙未登極人民不免皇皇之望彼宵小亂黨亦得藉以造謠惑衆疑慮叢生如登極明詔一頒討賊動
旅速發不特普天同慶魑魅潛蹤即滇省小醜跳梁亦必如陰霾之見旭日立見消亡要之大典之告成宜早

討滇之王師宜速中華長治久安之計莫此爲先似不宜再有遲疑反生枝節也川邊在特別區域地面最廣鎮守使爲疆吏長官自諒能刀於登極大典告成王師進攻滇逆之後必然軍民共慶夷漢膾歎銳恆督率文武各員嚴密防範必能保護地方維持秩序決不至有變亂之事川邊情形尙屬如此其他省區諒更決無他慮祇承明問敢布腹心伏乞代奏川邊鎮守使劉銳恆叩蒸印

湖南常澧鎮守使王正雅電奏一月十三日

統率辦事處鈞鑒陽電奉悉常澧一帶亂黨時有蠢動經迭次懲辦始獲安寧目前軍心穩固人民嚮順若輩無能爲力惟望早正天位以慰望治之心貌茲醜類敢保無慮敬懇代奏常澧鎮守使王正雅叩文

成都陳宦來電一月十三日

政事堂統率辦事處各部院各省將軍巡按使各特別區域都統貴陽福州寧夏護軍使康定川邊鎮守使徐州巡閱使上海楊將軍均鑒滇省唐繼堯任可澄蔡錫戴戡等擁兵肆逆全國人民同深憤恨川省國民代表全體饒應銘等一百四十六人於本年元月二日公電參政院籲懇代奏明伸天討以除兇頑文曰參政院代行立法院鈞鑒決定國體一致贊成君主立憲籲懇早正帝位實出自全國國民公意絕無私毫強飾已爲中外所共見鐵案如山豈復有反對之餘地乃雲南褻職將軍唐繼堯職巡按使任可澄等擁兵謀亂通電各省謂爲利誘勢迫非出本心聞之不勝駭異夫代表輿論何利可圖自由書票誰能強迫前此全國請願君憲係由國民代表大會決定雲南代表亦在其列何以閱時未幾遽相違背似此反復無常不惟誣我全國國民代表抑且自誣實甚現在國基初定斷不容此種叛逆之徒顛倒是非淆惑觀聽以箇人好亂之私衷違反全國國民之公意即爲國民公敵鈞院既推爲國民總代表應懇依據約法迅即提出建議奏請宣布唐繼堯任可澄等罪狀剋日興師致討翦除兇頑固我國本現在川省地方安謐軍民一致傾向足紓廬系國民代表等業已公決於前萬不至反汗於後仍懇隨時申明大義轉相告誡俾免搖惑並懇鈞院毅力主持以維大局國家前途實爲至幸四川國民代表全體同叩又於十二日公電參政院代行立法院籲懇代奏早正帝位以定人心文曰北京參政院代行立法院鈞鑒前聞滇省唐任諸逆擁兵謀亂以利誘威脅誣我全國國民代表會

聯名公電鈞院請為代奏宣佈請速籌議與師討賊以固頌禱
出自全國國民公意我 皇上聖神文武功德巍巍永應早登大寶藉符民望徒以明詔未頒亂逆之徒乃
得乘機思逞肆其陰謀雖小醜跳梁不難指日戡定而宸極一日未御即人心一日未安鈞院體國公忠同深
欽仰務懇越日具奏籲懇我 皇上速降諭旨早登大位以副全國人民望治之心國家幸甚不勝迫切待
命之至四川國民代表全體同叩特電奉達即祈鑒鑒陳宣文印

四川將軍兼巡按使陳宣文奏一月十三日

皇帝陛下聖鑒竊維國體制為君憲推戴定一尊出於億兆心理所同實關國家根本之計臣上年曾以大
位一日不即真人心一日不能定擬懇元且踐祚由堂處代奏在案旬餘以來各省官吏暨代表等交章馳
奏萬口同聲傾向彌殷事機愈迫 皇帝猶復逾格謙沖其知者以為聖明之持重不知者且疑帝制之難
安上何以奠千鈞一髮之時艱下何以順畢雨箕風之民好微臣之愚以為君憲救國詢謀僉同唐繼堯等自
食前言違反民意擁兵倡亂不惟各省視為公敵即滇省人民尤多怨憤天戈所指一鼓盪平豈容以少數叛
亂之徒至久負全國喁喁之望至於川省自上年臣率軍來此地方頗資鎮懾其後舉辦清鄉大股積匪多皆
擊散各屬團警較前亦加整頓近因滇氛不靖臣恐影響傳播節經召集軍警長官會議會以衛國保民維持
秩序為宗旨一面出示曉諭詳述利害嚴禁造謠一面於叙瀘永寧重慶會理等處撥駐可靠重兵節節聯絡
接近滇邊分扼要隘內外兼顧體察轄境情形實不致有重大變亂繼偶有游匪秀民妄希蠢動不難立即戡
平臣待罪蜀蜀治安保障責無旁貸心力所及勉足維持亦斷不敢稍涉粉飾重貽將來宵旰之憂應懇
皇帝乾綱奮斷渙發特頒恩澤吉辰舉行大典用彰天澤 義藉慰呼籲之民大局幸甚國家幸甚臣不勝激
切待命之至成武將軍署四川巡按使臣陳宣文謹電奏文印

長江巡閱使張勳電奏一月十四日

政事堂轉呈 皇上聖鑒竊臣迭電請平滇亂并懇早登大位以遏亂萌而奠邦基屢接各省籲請正位電
奏異口同聲亦謂天命有歸自應當機立斷乃我 皇上謀定後動尚未俯順輿情臣以為神器之膺惟天

所授先幾之哲惟斷乃成勢在必行理無中止應請我 皇上迅布綸音早膺大寶副億兆民喁喁之望立
千萬年丕丕之基庶日月出則燭火潛消雲霓見則歸來恐後臣駐師所在防範素嚴自信足保治安可擔完
全責任如慮滇池不靖臣已簡閱師徒靜待明命斷不使一方梗化貽朝廷南顧之憂區區微忱伏乞垂納臣
不勝悃款禱企之至定武軍軍統長江巡閱使臣張勳元印

綏遠都統潘矩楹電奏一月十四日

皇帝陛下聖鑒竊以國體問題早經解決即位典禮尙稽舉行在聖懷以審慎爲心而人民有無君之懼皇皇
終日仰望臨宸邇者各省文電交馳爭先恐後矧以唐任倡亂興師致討尤必出以正名臣默察情形環顧全
局惟有仰懇 皇帝早日御極俯順輿情以安國本綏遠人民瞻依同切雖日前西境匪徒小有蠢動然現
已大兵雲集即可指日盪平此外一切治安臣自當隨時督率所屬文武嚴密保持不使稍有疏懈致煩聖慮
仍乞 皇帝速定舉行大典之期宣示中外藉慰寰海忠義之忱而戢宵小覬覦之念臣不勝延企祈禱之
至綏遠都統臣潘矩楹謹奏文印

湖北將軍王占元電奏一月十四日

政事堂統率辦事處陸軍部鈞鑒迭據襄鄖鎮守使兼陸軍第十一師師長黎天才漢口鎮守使杜錫鈞湖北
第一師師長石星川近畿陸軍第二師師長王金鏡第三混成旅旅長盧金山第六混成旅旅長王懋賞十一
師第二十一旅旅長出猶龍第二十二旅旅長張聯陞一師第一旅旅長朱兆熊第二旅旅長劉佐龍二師第
三旅旅長石振聲第四旅旅長朱廷燦等先後電稱竊自國民代表決定國體推戴 今上爲中華帝國皇
帝三軍効命兆庶歸心乃唐繼堯任可澄等險詐成性反復無常逞一己之私圖犯全國之衆怒謀危大局破
壞公安實屬天地不容軍民共棄凡我軍人以保國救民爲天職同心戮力祇知鞏固國家秣厲兵誓即蕩
平醜虜伏乞代爲奏請籲懇 皇上俯從民意速御皇圖用鑿奸氣以張士氣所有職等分防區域均可完
全負責力保治安全體軍人無任屏營待命之至等情據此該師長等忠勇奮發未便壅於上聞相應據情轉
陳謹乞代奏以慰羣情王占元叩文印

廣告

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是有國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始義軒數千年歷史相承君統未嘗中絕即在英雄割據之時而正統偏安猶待史家論定凡以明一日不可無君之義即可知四海攸賴一人之殷改革以來羣龍無首變故迭生邦基隕机賢智者日夕憂疑惟魯者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美例外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此種地理論之而不知其相之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生賴寧之亂中原鼎沸生民塗炭勞師糜餉幸以救平而東南民力於是盡矣人天經一度之變亂每念及國家根本常惴惴於禍至之無日社會事業無一進行國家政務因之止步不特已而延及總統任期而人民慮遠思深以爲將來之禍變終不能免且禍變之推測愈速則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以冀堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之爲期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以爲將來競爭大總統之戰亂不知已於何時後來之事思之寒心方備亂之不暇而何有於政治若不從根本改革無論爲大總統者如何賢明不過多方設法以維持現狀已爾欲求立憲以謀國家之進步兩轍北轍其道無由此就將來論之而知國體之不可不從速變革者更有親君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而一易或數十年而一易甚或數年而一易其開創之君非不雄才大略規模宏遠無如數傳而後法度漸轉遺澤就盡國統遂絕六朝五代之際君位直如奕棋人民蕩析離所幾於不可終日論者每舉以爲君主制病而不知此非君主制之病君主而不採用立憲制之病也世界各國政治均由人治時代晉而爲法治時代而中國政治治善猶有數千年來人存政舉之選思前此治亂相循邦基不固國未定厥有由乎現在欲求立憲既以君主爲前提而實行君主制度尤必以立憲爲要義查東西立憲國家有強固之政府以擔負責成有穩健之議會以協贊政府上下相與之際各有一定之法令以爲運行君主遂擴大大實居於調燮之地位相推相盪以劑其中英主無所增中主無所損故國家元首雖等於神聖之尊嚴而其實嘗立於政治潮流之外有政府與人民接近之事而無君與民衝突之

覆按也我國若於決定君主立憲國體後使憲政得以實行是有數千年君主之利而無數千年君主之弊政
治革新遠軼二五矣此就君主立憲綜合言之而知中國之國體政體舍此更無他道也以上各種理由特就
全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其
言之痛切而有益於事勢也以決諸國民之公意而全國之國民代表亦遂人同此心同此理以相與有成
使我五千年聖聖相承之君主國體回復舊觀各強國盛行之立憲政治得所期望猗歟盛哉固係我國民程
度之高而以國民組織國家以國民推戴君主開世界最新之特例留歷史無上之光榮試以此次改革與從
前征誅之局相較征誅者克以武力彼此不免猜嫌非厲行專制之後難言民意此次改革純出於民意之協
同全國上下共此一心憲政之進行法治之國家即可由斯而點再以此次改革與從前揖讓之局相較揖讓
之授受終未能出自人民其君民之感孚恐不能異常融洽此次推戴純出於民意之愛戴君民之際不啻家
人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之
業願爲國利民福之良圖於國家根本問題則從速制定憲法定期召集民選之立法機關於國家行政事務
則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之
一切弊政如沿用閹人採選宮女以及拜跪奔走繁文縟節等等已 明令聲明概從屏棄永懸厲禁併
聲明總期君主親政悉予掃除等因開國規模權輿 此上年十二月十三日國體既定文武官吏觀賀
皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心
理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我
國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許
困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫
鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不
敢避惟中國至大國事至重予以一手一足爲力幾何所望大衆同心協力犧牲一切以救國家庶足匡予不
逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有
稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝為尊榮則國家必不保即大眾如視皇帝為尊榮則國家亦必危自今以後予與國民當共視為臥薪嘗膽之日惟願各以國家為重以期共濟艱難若國體既改而於政治不能整理進行不俾予無以對我國民即庶職百司亦皆無以對我國民也等語 天語煌煌衆感泣恭繹其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力削繁文必一洗數千年君主稅政之積弊四因國事艱難願萬眾同心協力即為實行立憲政治之精神此項鄭重宣言求之中西史乘均所罕覩凡我國人均應一心一德仰副聖懷矧自改元洪憲以來首 頒注重師範教育及警察法規之令凡所以為增進國民智識維持國家公安計者用意至為深遠而整理財政實行預算制度并以 明令聲明辦事者多節一分糜費即為國家厚一分財源并即為吾民養一分物力等因節用愛人、訓充足表示憲政精神至於國家政務應與應革事件現復通盤計畫慮懷採納以期利於民者無不興病於民者無不去唐虞三代之盛軌五洲萬國之隆規如果天佑中華行之十年必有治定功成之日溯自清末失政民瘼水火想望治平不可必得良善者坐困閭閻披黠者穰耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告

洪憲元年一月十日

● 教育部批示 十二月二十二日

據上海商務印書館稟閱悉所請准將以前審定各種共和教科書改正通用辦法尙屬可行俟籌備事竣後可以照此辦法通行我國無論君主民主主義所改亦無多也此批

● 大律師李焜墀廣告

本律師專以鞏固國法擁護人權鋤強扶弱為目的現已銷假仍代理北京各級法院民刑訴訟及一切法律

環城鐵路鋪軌工程業經完竣於本年一月一日開車售票由正陽門至西直門中間經歷東便朝陽東直安定德勝等五門每日往返各五次鐘點列後

正陽門開

上午七點二十分
上午十點五分
上午十二點三十分
下午三點二十分
下午七點十分

改運石渣不掛客車

西直門到

上午八點零六分
上午十點五十一分
下午一點零六分
下午四點零六分
下午七點五十六分

西直門開

上午九點
上午十一點二十五分
下午一點五十分
下午五點三十分

改運石渣不掛客車

正陽門到

上午九點四十六分
上午十二點三十一分
下午二點三十六分
下午六點十六分

英商福公司河南北京天津漢口上海等行廣告

承辦各種探鑛探鑽金鋼石鑽打鑿等事並代辦建設完全機器製造諸廠塢均可商訂賜顧者幸注意焉

北京清華學校招考高等科插班生

本校高等科現分四級每學年遞升一級每年招考插額數以八十名為度
 年齡自十六歲至十八歲者可報
 班生一次今年在北京上海兩處招考各級插班生
 十歲者可報
 體質健全
 性行端敏
國文程度 約在中等畢業
英文程度 至少須會用英文教科書習過 Chamberlain's 二十世紀讀本七冊或 Butler's 讀本七冊或同等之讀本七冊此外須習過納氏文法四冊衛生學及初步地理
切實研究 者可於
 步化學初步代數等書如有習過高深學科者可報考高級凡於上列學科曾經
 一月十
 日起至三月三十一日止向 **北京清華學校招考處** 函索詳細招考章程並須附寄郵費一角空函不覆

北京清華學校招考處啟

●內國公債局催領三年內國公債第二期利息緊要廣告

照得內債付息所以重人民債權即以堅國家信用本局前於三年公債第二期發息之先曾將一切辦法摘要刊登京外中西各報通告各購票人速將到期息票屆時持赴各經理付息機關驗取息銀在案現在時逾半載所付息銀雖已不少惟查中交兩行預備第二期付息之款計中國行尙存二十三萬餘元交通行尙存十三萬餘元均未經購票人取去以吾國募債風氣初開誠恐購票各戶尙有不明公債性質誤認爲一種愛國捐款到期不知取息者用特再爲申佈凡持有三年內國公債票尙未取第二期利息請各就近向經理付息機關早日領取萬勿遲延除一面通行各財政廳出示催領外特再登報通告俾各周知

●通告中外商民人等

財政部爲通告事查雲南省現有亂黨擁兵謀叛難保不乘時濫發軍用鈔票希圖獲利亟應預爲宣布以免華洋商民行使收用自貽後累爲此登報通告華洋商民人等如果雲南省有亂黨發行軍用鈔票等物切勿行使如果收用將來中國政府不負責任勿謂言之不預也恐未週知特此通告

●永增軍裝局刺繡廠廣告

逕啟者自祭祀服章發表本廠即時成立專做各任冠服朝賀吉服女界禮服工精料美頗蒙顧客歡迎今更悉心研究創造繡金製品如各王公金花禮服陸海軍警察禮服金領袖章以及外交各部金花禮服均可照章繡做較諸舶來品有過之無不及並自造海陸軍警察各等禮服金肩章偷蒙光顧祈駕臨打磨廠西口內本號接洽可也

電話南局五五四 又二二五二

●聲明作廢

審計院書記員趙錫瀛一百五十八號廣澤一百八十二號徐寶所一百三十五號羅亞藩二百五十一號等

一 元年第一期法令全書八冊自臨時政府成立之日起截至元年十月末日止定價大洋二元五角外埠加郵費洋一角六分
 一 二年第一期法令全書四冊自二年一月起截至三月末日止定價大洋一元二角外埠加郵費一角一分
 一 職員錄二冊定價大洋八角外埠加郵費九分
 一 二年第二期法令全書四冊自二年四月起截至六月末日止定價大洋八角外埠加郵費九分職員錄四冊定價大洋一元外埠加郵費一角一分
 一 二年第三期法令全書四冊自二年七月起截至九月末日止定價大洋一元二角外埠加郵費一角一分
 一 職員錄四冊定價大洋一元外埠加郵費一角一分
 一 二年第四期法令全書五冊定價大洋一元外埠加郵費洋一角一分
 一 三年第一期法令全書職員錄現已出版法令全書四冊定價大洋一元四角外埠加郵費一角三分職員錄四冊定價大洋一元二角外埠加郵費一角三分
 一 三年第二期法令全書職員錄現已出版法令全書四冊定價大洋一元六角外埠加郵費一角三分職員錄六冊定價大洋一元四角外埠加郵費一角三分
 一 三年第三期法令全書四冊定價大洋一元六角外埠加郵費洋一角三分
 一 三年第四期法令全書四冊定價大洋一元六角外埠加郵費一角三分職員錄六冊定價大洋一元五角外埠加郵費一角三分
 一 四年第一期法令全書四冊定價大洋一元二角外埠加郵費一角三分職員錄六冊定價大洋一元五角外埠加郵費一角六分
 一 四年第二期法令全書二冊定價大洋一元外埠加郵費一角一分職員錄六冊定價大洋一元五角外埠加郵費一角六分
 凡批發四十部以上均照價八折國外郵費另計

●本局四年第三期法令全書職員錄出版廣告

本局刊行法令全書暨職員錄四年第三期現已出版法令全書每部二冊定價大洋一元三角外埠加郵費一角三分職員錄每部六冊定價大洋一元五角外埠加郵費二角二分特此廣告發行所

王井大街
 政事堂印鑄局發行

●外交部通告

爲通告事外交官領事官考試令暨外交官領事官考試甄錄規則業於上年九月三十日奉 令公布十月一日刊登政府公報茲本部定於本年四月間舉行甄錄試驗凡具有外交官領事官考試令第三條所規定之資格而願應考試者務於本年二月二十九日以前遵照外交官領事官考試甄錄規則第一條及第二條之規定填寫願書並履歷書附以所著論文並用英法俄德日本等一國以上文字之譯文送達本部其在本國或外國各學校畢業文憑或證明書一併送驗如係現居外省者准其將願書履歷書及論文譯文郵寄本部所有畢業文憑或證明書准於到京面試時補行送驗一俟甄錄委員會閱定後認爲可受試驗者再登公報通知屆期來部面試特此通告

洪憲元年一月十三日

(願書式)爲具送願書事今願應外交官領事官考試之甄錄試驗遵照外交官領事官考試甄錄規則第一條除親具履歷書附以論文並譯(某國)文送呈 察閱外所具願書是實(照甄錄規則第一條於英法德俄日本等一國以上文字之外如兼通其他外國文者併准其附送譯文於願書內註明)

洪憲元年 月 日 姓名 蓋章

(履歷書式)姓名現年若干歲某年某月某日生 一三代(註明存歿) 一籍貫(某省某縣人) 一住所(現居某省某縣某地) 一學業(自某年某月入某省某地或某國某地國立或私立某學校修某學科某年某月畢業得有畢業文憑或證明書) 一職務(自某年某月在某官署任某職或自某年某月受雇於某地某處所從事某項業務)

洪憲元年 月 日 姓名 蓋章